

1977

L

1093



# Die müntze Be- langende.

Antwort vnd bericht  
der furnemesten punct vnd Ar-  
tikel/auff das Büchlein / so der  
Adüntz halben/vnn der Ehr vñ  
fursten zu Sachsen/Landen/mit  
dem Tittel/Der gemeynen stimmen/ ydoch sun-  
der namen/kurzlich ym druck ausgegangen ist.  
Von denen so dagegen die wolfart  
der Lande/aus vnterthenigkeit  
auch wol meinen.

Anno Domini. AD. D. XXXI.



# Alselbige vori

ge büchlein Der gemei

nen stimmen / ist neben dieser vn-

derricht / auch mit gedruckt / da-  
mit man einem grundt odder ynhalt / neben dem  
andern souiel richtiger / vnnnd bestendiger / zue-

sehen vnd zuerwegen habe / Wie solche

antwort erholt vnd geursacht

ist worden.



# Eingang.



**E**ine einfürung vnd der  
grund solcher vorrede/des Götlichen  
worts/vnnd die nachuolgende deuds  
sche Kauffmans oder Herolts predige  
so ynn dem selbenn buchlein von der  
Münz/der Chur vñ Fürsten zu sach

ffen/welches hirnach am ende/vnder den Gemein stim  
men auch gedrückt vnd ausgangē/vorgleichen sich wol  
mit dem furschlage/so ynn den Sabeln beschrieben/ als  
der wolff sein radtschlag dargab/die schaffhetten gute  
weide vor dem holz Dann wohin wil es doch mit grūd  
gereimbt/vorstanden/gedeut/odder vorgleicht werden  
Darauß es zuuornemen gemeint sein sol/vnd wil:

Denn aller vorteil/vnd die furschlege solchs furge  
wanten bedencens die seind mit yhrem grund vnd aus  
gang dahin gericht/das es dem vnerbarn Kauffmā yhn  
vnd yhrem anhang/seiner hantirunge zu vbermessigem  
vorteil/gemeint wirdet/vnd hat ynn sich gar kein vors  
mügen odder krafft/das damit der gemeine landnütz/  
zu auff riehen/besserung/odder wolfart/ gesucht odder  
gefunden mag werden. Allein das man das anhörn bes  
scheinen vnd beferben wil/wie es denn bey den vorstendi  
gen guten bericht hat. Darzu müssen sie das Heilwertis  
ge wort Gottes/zu einem schanddeckel yhrer wücherlis  
chen lasterwerck gebrauchen/darumb seindt die geister  
solchs vorsamelten wercks vnd getichs ym glauben/die  
ser zeit zurteilt gewesen etc.

Es ist aber ein alt sprichwot//Weise leute vben keine  
Kleine torheit nicht/So brech man auch am fuchs keine  
wilpahn nicht.

A ij

Daruns

Darumb ob ynn nachfolgendem bericht/ zu vnmeidlicher notturfft etwas angerurt/ des habe man auch keynen vordrislichen missfal / welches auch niemands zu verkleinen gemeint sein sol. Dann das ynn solchen sache gefurdert/ gestattet/ vnnnd zugesehen sol werden/ die ding ynn solcher masse herolts weise auszubreitten / solchs wirdt bey vornunfftigen leuten wenig zufals habenn/ wann es wirdt damit nicht anders gesucht oder erweckt/ dann ein argwillig bös vormeinth/ vnd ein klapperhafftig geschwezt/ Das ist die frucht vñ art seiner erbawüge.

Dann solche gros wichtige sachen/ gebürten der Oberkeit mit städtlichem rath/ yhrer fromen getrawen vñ derthanen zuerwegen/ vnd nicht ynn die leichtfertige vñ bung gelangen zu lassen / Als dann solt einer dem andern/ mit gutgründigem bericht/ sein gemüt vñ bedencke furtragen/ vñ bescheiden/ Den andern auch gleicher massen/ darauff vornemen/ vnnnd sich also/ mit eintracht zu vergleichen fleissigen/ Dann fride zu wirken/ gehört ynn Gottes gnaden/ daraus wechst liebe/ das einer für den andern sorget/ einer des andern gewar nimpt / einer des andern bürdentregt/ vnd nicht dermassen vnzeitrig/ zu gebrauchen/ Dann so der gemein man/ vnnnd die Barwn yhr auch also beginnen/ würden sie allerley vnd vast vil ynn denn Regimenten/ der Oberkeit/ yhres synnens vnd willens zutaddeln/ vnd ein gemein furnemen vnd ruchtbar geschrey/ zu machen wissen/ Wie ynn diesem fall vñ verstanden gemeint vnd angemast.

Es würde aber für auffrührisch geacht/ vnd als streffentlich fürgezogen/ wie dann an yhm selbst billich were/ Also auch ynn diesem fall/ solt man sich fürsichtiger gehalten vnnnd erzeigt haben/ Dann wo es zuvor nass ist/ mag es liderlich regen/ damit es vnwegsam werde kan.

So nu die selbigen Gemein stymmen/ also fürbedechigt

tlig/das sie den Fürsten/ordnung/mass/vnnd gesetz der  
Münz/zu yhrem selbst besten fürwenden/Wie seind nu  
die herrn also vnbesunnen/das sie auch den selbigen ge  
werbtreibern/widderumb ynn yhrer hantirung/keuffens  
vnd vorkauffens/welchs bisanher allein yn yhrem selbst  
willen vnd gefallen/vnuorbintlichen gestanden ist/wie  
hohe steigerung sie fürgenommen haben/auch nicht orde  
nung gegeben wil werden / Dazu sie mehr billichs fugs  
betten/vnd fur Gott ynn solchen offentlichen beschwe  
rungen andern zuthun/vnd einsehung zu haben vor  
pflicht sein.

Die frage vnd vrsachen solcher vorhinderung/will  
man dismals hindan setzen vnd ruhen lassen/ Ob beque  
mer vnd besser sey/funzig odder sechzig vngewerlich/rei  
cher Kauffleuth ynn einer stad zu haben/bey denen ynn  
fürstehender not vnd eillen am vormügen/vnd fürstrec  
kung adder anlehens auffzubringen sein müge / Odder  
aber/die einwoner der lande vast ynn gemein/yhrer land  
handel/narung zuuorhindern Vnnd solchs möcht wol  
vorgleicht werden/einem fürsichtigen Kretschmar od  
der Wirt/eines wolbesetzten Dorffs oder Markt flecks  
darin reiche odder habhafftige bürger/odder bauru wo  
neten/Vnd der Wirt vleissigete sich allein/sein vormüge  
gros zu machen/daser reich/vnd die Bauru abnemen.  
Entlichen scheiden sie mit grundlichem verderben / vn  
vorseumenus yhrer narung/ Aber der Wirt hat sich ges  
reicht etc. Vnd der einwoner abgenommen.

Also auch die selbigen vnser landgesellen/mit vber  
fürung/vieler vnnotturfftiger/vnnützer/vnd fürwitziger  
auslendischen wahr odder gattung/der man zu der not  
turfft dieser lande/Got lob/gar nicht bedurfftig ist/das  
durch sie allein reichen vnnd zunemen/vnd die einwoner  
der lande yhrer narung yn gemein aus fürwitz/weil kein  
ordnung

ordnung der Pollicei vorsehen geschwecht vnd als billich nicht zunemen odder gedeien mügen. Vnd mag dar aus nicht erfolgen/wie yhr druck anzeigt / Wo es nicht ynn diesen landen zubekomen were/das man nichts weniger das auslendisch/mit darlegung des vnkosten erholen wurde.

Das ist ein vnzeitige bewerung etc. Denn so die vrsachen eins dings/nicht gegenwertig/so gebiert es auch der ansechtung soniel weniger/ Vnd ob es gleich einer zween/odder drey thetten/darumb ist es nicht allenthalben gemein.

**Von dem nachteil/so die zins-**  
herrn/an yhrer yerlichen Renth vnd gült tragen  
müsten etc. Auch. der widderkeufflichen  
schulde halben



**W**ie die Artickel yñ der handlung/die vñ zins belangende/so ynn vorsehung etlicher iar zu zeit furgewest/wol ersehen vñ bewogen würden/Daraus dann die itzigē yhre argument/fast gesege oder gezogen/so seindt dabey etwas mehr stadlicher gegrünter vrsachen zuuorlegung/dargethā/ dann yzo vñ yhnen fur ein neues geticht/angegeben wirdet/als ferne solchs auch/dazumal fur würdig beschriben/vnd vorzeichnet/angenomen ist wurden/Es ist aber dennoch von andern zu vorradt auch beygelegt.

Zu dem das der bedechtige/vnd wolgegrünthe radschlag/so von den Stenden/vnd dem ausschus/auch dē Regiment des Reichs/zu Nurnberg/ynn der Münz/so stadlich erwogen/bey diesen landweisen vnd hendelern/

19



so gar vormessenlich hindan gesetzt/ vnd danon gar ni-  
chts erwent/ dem sie doch schwerlich / durch sich selbst/  
eine beständige erbare frage/ zu dem anfang / desselben  
grunds stellen möchten/ Viel weniger erbare/ gutgründi-  
ge vorlegung zuthun/ Darauß wil ich sie/ durch diese er-  
innerung geweist haben/ yhren sorgfeldigen radt zuers  
holen/ vnd zu suchen/ Darin sie guten vnderricht zufindē  
haben/ damit das vberflüssige anzeigen/ ynn diesem ab-  
gekürzt/ vnd yhr gemut ynn dem auch etwas gesteuert  
werde/ Aber die heupt erklerung/ ynn derselben vberflüs-  
sigen/ geizigen sorgfeldigkeit des eignen einkomenden  
nutz/ wirdet hirnach ynn den beschlus artickeln weiter  
angerurt/ welchs die herrn also hochzubedencken habē/  
als die vnterthanen/ aus vrsachen/ sie haben ym lande  
fast das größte vnd meiste einkomen an gelde.

Vnd ob man dagegegen reden wolt/ was yhnen an  
den zinsen abging/ das hetten sie ynn den silbern wider-  
umb einen zugang/ vnd ergenzung etc. Wu es auff den  
vorteil/ durch die herrn/ gemeint vñ furgenomen/ welchs  
ym grund keinswegs zuormuten/ So möchten sie darā  
Kleinen fromen oder nutz erlangen. Wo nicht hirinne for-  
nemlich/ der gemeine nutz gesucht würde/ die landt ynn  
gedeyen zufurdern/ den künfftigen schaden vnd nachteil  
abzuwenden/ dann eins ist gewiss / die beständigkeit der  
ierlichen zinsē/ Aber die bergwergs nutzung sindt vnbes-  
tändig vnd abfellig / darumb were yhnenn die straff  
Gottes neben dem erblichen schaden / aller seits höch-  
lich zu furchten/ vnd zuormiden/ wo es der meinung  
beschehe / als ich vnzweiffenlichen vorhoffe / yhe nicht  
sein solle/ welchs auch die vrsachen / wie zuor / vnd  
hirnach ermelt sein / statlichen vorlegen vnd abwens-  
den.

Der

## Der Gleyt vnd narung mit den Landstrassen/auch der Gast- geben odder Wirt halben.

Was sich auch dazumal zu Tzeytz/ ynn der vnderred-  
de/zu etlichen malen/weitter zugetragen/ des hat man  
sich wol zuerinnern.

### Nemlich.

Der genisliche zugang ynn den geleitten/ vnd die na-  
rung der Landstrassen/der Wirt odder Gastgeben/dar-  
auff ist dazumal angezeigt/das die Fürsten yhr geleytt/  
was die auslendisch Centner wahr/ ynn gemeyn/ ierlich  
ertragen möchte/ An einem theil vngeserlich hetten vber-  
schlagen lassen/wie es zu der zeit gestanden/vnd wie da-  
zumal vormarckt/ So wer yhren gnadem/ gegen der  
Statlichē vbermasse vnd besserung/ so gemeinen landē  
vnd leutē daraus zu wachsen würde/gar wol zuduldē/  
vnd nachzugeben/ sich dasselbig zuuerzeihen gewest vñ  
noch/ Allein wo die auslendische vnnottürfftige whar  
vnd misbrauch ynn landen zuuertreiben/gemieden wür-  
de/vnd eine richtige pollicey ynn andern mehr fellen/sur-  
zunemen/so ferne der wille vnd die neygung/bey andern  
auch erkant wer worden.

Aber der Wirt vnd gasting halben der strassen/was  
allein mit solcher auslendischen wahr/bey den fürleuten  
genies erlangt/ Solchs ist gegen dem fall des schadens  
gantz vnwürdig zuuorgleichē/ So ist das reichthumb der  
Wirt/ ynn diesen Landen auch wol offenbar. Es wer  
auch die durchfart/ mit der frembden wahr/ ynn ander  
lande zufürdern/dadurch vnuorhindert/sünder yn freyer  
wilfür. Dann dadurch würden gleich wol die gemeinen  
redelichen gewerb vnd handlung/ auch die Gleyt/gast-  
geben

geben obder straffen / mit der durchfart der frembden  
 wahr / auch nicht gar nidergelegt / Weil doch die vberflü-  
 ssige Landwahr / Gott lob / ane das / bei diesen Landen  
 vorhandelt mus werden / Als / die silber / kupffer / zyn / bley  
 eisenwerck / weyt saltz / wollen / salpether / visch / allerley  
 getreydich / allerley viehes / wüllentuch / vnd leynen geret  
 wein / bier / vñ ander getranck / holz / kolen / schindeln / bret  
 Vnd alle andere heusliche narung des vihes. Das alles  
 sind die nottürfftigsten waaren / der man ym keinen weg  
 entratten mag / auswendig vñd ynwendigen landes.  
 Darumb ist es nicht dohin zuornemen / edder zu deut en-  
 sam würden hinfortan / die lande keine handlung oder  
 gewerb mehr haben.

**W**yrnach volgen die heubt vrsach-  
 en vnd bewegunge / worauff sich dis bedene-  
 ken ergründet / mit einfürung vnd erynnerung  
 des berichts / vieler gelegenheit / Auch offent-  
 lichen nachteiligen vñd vorderblichen  
 misbrauchs / so ym den lan-  
 den / sunder schew / ge-  
 übt vnd getrieben  
 wirdet.



**B**er ym gründe  
 ist die rede / vnd der bericht di-  
 ses teils bedenkens / dauon /  
 wie der vnrat / schaden vnd  
 vorterbē des Landes sampt  
 der vnderthanē / durch Gots  
 gnaden mit fürsorge zuor-  
 komen / damit sie ym mehrers  
 gedeyen / auffnemen vnd bes-  
 serunge gefurt / Vnd das yhes

**B**

nige so dem nachteiligen schaden vrsacht / abzuwenden  
sein müge.

Nu ist diesen landen / aus der vornemlichsten vrsach  
chen eine / kein grösser vnnnd scheinlicher öffentlicher vrsach  
derb / vñ vorhinderung des reichthums zugefügt / Dan  
mit der Münz / wie sich dann solchs leider ytz so viel iar  
vnwidderprechlich erzeigt / vnd also die bestendigste vrsach  
sache ist / durch den würdigen vberigen wert der Münz /  
Vnd was ferner dem anhengig erfolgt.

Dann so es von den Fürsten vnd den Grauen dieser  
lande / welche der Münz eynung vorwandt / zugelassen  
vnnnd vergunst wolt werden / die Register der Zehenden /  
vñ Münz rechnung / der gehalten probatio / auff dreissig  
sig iar lang vngeuerlichen / zuersehen vnnnd zuerkunden  
lassen.

Obder yhr gnaden wolten es selbst / mit der scham  
yhrer güttigen / vnvorsichtigen haushaltung zu gnaden  
offenbarn / So würde souiel befunden werden / das billich  
daraus einer gemeiner spruch / vñ der leidigen Kher  
zumachen sein solt / künsttigen schaden zuuorwarnen.  
Wiewal ynn gemein gesagt wil werden / das kein haupt  
Fürstentumb / seines werts / mit geltung / zubezalen / Es  
wil aber ynn vngezweiffelter vormutung / darfur zuwach  
ten sein / das ynn bestimpten dreissig iar zeitten / vngeuer  
lichen / auff allen den Bergwergen ym Fürstentumb vnd  
Lehen gelegen / souiel silber gemacht / vñ so sie gemünzt  
ein Fürstenthumb damit zubezalen / vnnnd ynn erblichen  
Kauff zuerlegen sein solten.

Vnd ob wol die benantē iar vber / vast allein / grobe  
tapffere / würdige münz / vnd wenig halbezins groschen  
viel weniger gar newe pfennige geschlagen sein wordē.

Indoch so haben es vnser herrn / die Monopolier / dies  
ser

fer lande furnemlich / dahin zu vrsachen wissen / durch  
nachhengung vnd zusehung / odder vnwissenheit der O  
berkeit / das erstlich vor zwentzig iaren vngenerlich / der  
mangel furstel / den goltgulden / bey solcher wurdigen ho  
hen guldigē Münz / nicht zuerlangē / so doch vast durch  
Deudsch Land genommen ward / als ein nötigs ding / ni  
cht anders dann zu xxij. auch zu drey vnd zwentzigst hal  
ben groschen / vnd auch die zeit solche bezalunge / allein  
an Annenberger / oder Schreckenberger grosschen vnd  
nicht zins groschen zuthun sein must.

Noch uolgent ist es nicht geringert / vnd also fortan  
den betruglichsten wert erlangt vnd auffgestigen / wie  
es leyder yzo offenbar vnd vorhanden. Idoch ist eins  
dismals zu der bewerung yhrer ersten nötigung / mit  
dem golt / anzuzeigen / das man dieser zeit / den golt gul  
den ynn diesem Lande / yhe zu weilen vmb iijpfening ne  
her zu wechseln hat bekommen mügen / dann die gulden  
groschen / die doch zu der zeit auch gemünzt / vnd gang  
hafftig waren / Aber nicht des werts / wie yzo ausgege  
ben / dann die zeit was yhre selbst ordenung noch nicht  
gegenwertig.

Bey yhnen hat es gar scheinlichen fug / das die Münz /  
ynn wurdigem / vberigem wert / geschlagen soll werden /  
Aber den gegenfal / darynn sie betrug vnd vorteils gegē  
dem armut / vnd ynn gemein suchen / yhres vnwolfeilen  
vorkauffens / satzung darynn zu dulden / wie nahent sie  
auch die wahr an sich bringen / vnd auch ynn was guter  
grobten bestendigen Münz / viel langwirige iar / der han  
del mit bezalung hienor gestanden / vntz auff diese dräg  
selige not. Darinne diesel e handeler die heupt vrsacher  
vnd vorwircker sein / So hat es doch bey yhnen wenig  
B ij vorteyl

vorteyl/ odder leichterunge des Kauffs geberem wollen/  
 Sondern einen auffsatz vnd steigerung/ ynn den andern  
 gericht vnd gedrungen/ izo mit dem Saffron/ Imber/  
 Zucker etc. Vnd also mit dem wechffel des golts/ vñ ym  
 Kauff der wahr/ vnd vmbschlag der wechfel. Desgleichē  
 ym gesindelon/ bey den Gastgeben/ Schustern/ Schneis  
 dern/ vñnd ynn gemeyn allen handtwergeren / Auch kein  
 vorteil erlangt/ sunder erhöht vnd auffgestigen / vnbes  
 dacht/ die vberige/ gute Münz/ der bezalung/ Dann ym  
 xxv. iaren ist vast alle wahr vnd ausgabe/ bey solcher vñ  
 berwürdigen Münz/ gestigen/ vnd nicht allein ynn drey  
 odder vier iaren/ angefangen/ Vñnd hat also die gute/  
 würdige Münz/ ynn dem gar kleinen vorteil gewirckt.

### Die ybung des besondern vortel hafftigen betrugs/ der vner barn kauffmans handeler.



**V**er das alles haben sie  
 nicht settigung odder begnügung ge  
 habt/ den angezeigten vorteil mit der  
 wahr ynn der Münz/ mit dem wechfel  
 vnd dem gewicht/ Sündet ynn nach  
 vorzeichneten articfeln weittern vnbil  
 lichen/ gewinst/ Auch den gründlichen vorderb zu suchē/  
 geübt vnd furgenomen.

Erstlich das kornen/ oder granalirn/ dz sie die Münz  
 ynn das feuer vnd tigel bringen/ dadurch mügen sie dz  
 silber ynn yzlicher margk / xij. schilling odder. xij. zins  
 grosschen vngewerlichen/ neher an sich bringen/ dann die  
 rohen vñnormünzten silber am Kauff/ aus vrsachen der  
 vberige würdige wert der guten Münz. Auch haben  
 die

die Goldschmid ym solchen guten vorteil/ Weil die abteilung solcher Münz ynn den Anneberger grosschen auff werck silber gericht ist.

Vnd entlichen soniel daraus erfolgt / das der vberflus solcher vberwürdigen Münz/ auch der grossen Summa vnd mennige nach/ so allein die zeit vngewerlich ynn bestimpten iaren/ gemünzt ist die gantz gülden grossche Anneberger vnd zins grosschen/ zu pfennigen sind worden/ Vnd das/ vnder hundert grosschen ynn einer gangshafftigen/ gemeinen zalung/ neherlich ein stück oder grosschen befunden. so fur xxx. oder xxv. auch wenigern iarn geschlagen ist/ vnd müssen aus den vrsachen/ wie zu vor ermelt/ Also frembder/ vnnwürdigen geringe Münz wol fart leben/ Vnd sie haben die gute Münz ausgesogen/ damit yhe das Bawren sprichwort erfüllet wirdt / das die pferd/ so den haffern erbawen / am wenigsten damit gefuttert/ behelffen sich des heckerlings/ strohes vñ vberkerichs. Also auch den Herrn vnd Landessen yn diesem fal begegnet vnd furfelt.

Sol mi ein solch werck/ wol fart des Landes / ehr vñ rhum den Fürsten/ gut/ mützlich vñ furtreglich sein/ Auch gemeinen vnderthanen / Landen vnd leuten berumlich gehalten werden/ das wil ich ynn menniglichs Erbarn ermessen/ vnd berrachten gestalt haben / Aus was gute grund/ vnd vorstand/ oder betrieglichen gesuch / solchs furgegeben wird.

Ynn summa/ die frembden vnnreichen Lande / als Italia/ Franckreich/ die Nider Burgündische lande/ auch Engelland etc. Die stellen das fur nemen vnn grundt yhrer handlung darauß/ das sie die wahr/ aus yhren landen/ ynn fremde abfüren/ vnd dagegen das reichthum/ dz ist gelt empfaben/ vnd suchen.

So sind vnser Landgewerb darauß gericht / dz wir

B ij

Das

Das reichthumb als das gelt / von vns ausschieben vnd  
abfüren lassen / Vnd dagegen die wahr annemen / auff  
das hundert vngewerlich sich reichen / dagegen die Für-  
sten / vnd der gemein landman / vorderben / der / Gott lob /  
mehr dann hundert tausent sein / die sich doch one das  
viel / höher hetten bessern sollen.

## Steygerung der güter.



**V**nd ob gesagt wolt wer-  
den / das die güter ynn landen / nicht  
abgenommen / sunder hetten sich erhöhet  
etc. Darauff ist zu antworten / Das sey  
entlichen war / das kein besunder gelt  
ynn landen ist / Aber ynn dem fall des  
mangels / schreibet vnd rufft das armut / mit klagen vnd  
vnd not / wie offenbar / vnd leidsam anzuhörn ist / Darzu  
das dem zugang nach / so die lande / der Bergwerck hal-  
ben / sampt dem eusserlichen fride / den es also viel lange  
iar gehabt / vnd bey der reichen / vberflüssigen / gutten  
Münz / nach billicher achtung / funffzig mal reicher an  
gelde / vnd die güter funffmal würdiger / vorsehen vnd ge-  
bessert sein solten / vngewerlichen / zuuormercken. Dann es  
seind die güter ane das auswerdig / vnd ynn andern lan-  
den deudscher Nation / an viel enden / da nicht solche wir-  
dige Münz geschlagen / odder Bergwerck sein vhe als  
wol / vnd hoher gestigen / als ynn diesen / der Fürsten zu  
Sachsen landen / Man such es zu Francken / Schwaben  
Bayern / vnd ynn der Marck etc. darumb es sich entlis-  
chen noch gründtlichen / nicht dahin zihen / odder vorles-  
gen wil lassen etc. wie yhr druck meldet.

Ro



Es vorgeleicht sich wol diese Rede/alls wann einer  
sagte/ Des alten reichen Römers sone zu zwickaw/ alls  
ein wolbekanter landmā/ dis orts seind dennoch so arm  
nicht/ sie vormügen noch sechs tausent gulden/ der gros  
vater yhne doch/ vileicht ob hundert tausent gulde wert  
gelassen hat/ Also ist es auch mit vnser schmalen rü müg  
von steigerung der güter zuuorgleichen/ Dann von gute  
hauswirten solt yhm mehr fürsichtiger noch gedacht/ vñ  
der vberflüssige zugang/ vñ vorteil des reichthums/  
anders zu rat/ vñ mehrerm gedeien/ gesucht vñ erhal  
ten seyn wurden/ dann da beschehen ist.

Warzu ist nu die gute Münze/ bis anher/ diesen lan  
den furtreglichen vñ gemislichen gewesen/ so doch die  
Kauffwahr/ das gesinde lohn/ vñ alle gemeine zerung  
vñ ausgaben/ bey der würdigen Münz erhöht vñ ge  
stiegen/ darzu fast kein gelt ym lande ist: etc. wie die vr  
sachen zuuor gemele sein. Antwort/ das die selbigen vor  
berürten gesellen/ nicht allein yn der Münz/ sonder auch  
ym dem wechsel vñ auffgelt ym der wahr/ ym ges  
wicht/ Ellen/ massen/ yhren vorteil vñ nutz/ durch aller  
ley wege vorsichert vñ gebrauchen mügen/ ane einiges  
bestendiges einsehen der Oberkeit/ Vñ also die lande in  
gemein/ yhres nutz zuuorhindern/ vñ dargegen vorteils  
hafftigen auffsatz zupflanzen.

## Der Auslendischen Adunz halben.



## Lein die fremb

de Münz/ grosschen so allein vj pfen  
nig zū teil geringers wert sein/ die wer  
de/ zu viij. pfennig/ durch de Kauffman  
fürnēlich/ dagege einschobe daran doch  
der

Der vierde teil gegen dem hals der Sechssischen Münz  
vorlust befunden/ Des gleichen die vbermas/ der Auers  
dischen pfennige/ welchs ein vbermessiger schade / vnd  
nachteiliger abgang/ Das alles wirdt ynn dem gericht  
yhes radschlags vnd büchleins gar nicht ausgeruffen/  
sunder ynn keuffen vnd vorkauffen/ der heuptmerckte yn  
landen / gedult / vnd als angemen vorhangen/ aus wel  
chem gar viel mehr nachteils/ dann aus yhrem furgewä  
ten vrsachen erfolget.

Neben dem wil ich hiemit zu ferner nachtrachtung  
auch anzeigen/ wiewol die Oberdeutsche Münz/  
als Patzen/ so von viel Fürsten sampt denselben Ober  
lendischen Reichsstetten dieser zeit gemünzt werden/  
der xv schrot odder stück/ ein Reinschen gülden/ ynn ge  
meiner zalung/ vnd der erblichen zins reichung / gelten  
vnd yhre wert haben sollen/ welche doch/ der feine marck  
nach/ so auff Kölnisch odder Erfordisch gewicht/ abge  
teilt/ dieser zeit ynn zehent halb gulden vngenerlichem  
vormünzt werden.

Darzu das die Münz/ der Reinschen / Chur vnd  
Fürston/ fast auch den halt/ auff zehent halben gulden/  
die feine marck auffstregt / vnd halten mügen. Welche  
Münzen/ alle bey den landen/ vnderthanē/ so doch nicht  
die wenigste landgewerb vnd handlung haben/ ganz  
angemen/ vnd als für würdig vnd ganghafftig/ sondern  
notwendige klage gehalten werden/ Auch bey yhnen in  
gemeinter bezalung/ mehr geneigt sein zunemen / dann  
die Sechssischen zins groschen/ an welchen man vorlust  
tragen mus/ wie auff negst vorgangem Reichstag zu  
Augsburg offenbar erfunden/ Doch so ist die narwe für  
habende sechssische Münz/ würdiger vñ Reichers halts/  
dann die selben patzen/ odder die Reinsche Münz.

Vnd darzu auch die selbigen Patzen/ vnd die Reins  
sche

sche Münz/wie wissentlich / vnnnd vnwidderprechlich/  
durch Klage/vnd beschwerus/der selbigen Landherrn/  
Reichs stette/vnd vnterthanen/auch vorfurt/vorbrand  
vnnnd ynn den Nidderlanden vmbgeschlagen / vnd ges  
ringere daraus gemacht / dahin doch der Oberlendisch  
Kauffman furnemlich handelt / ane schew der geringen  
Münz.

Daraus ist yhe abermals vn̄ vberflüssig zuermessen  
vn̄ abzunemen/ was der vberige wert der Münz/vnuor  
gleichet des silberkauffs vnd einer gemeinen/richtigen or  
denung/schaden/nachteil vnd verderben vrsacht vnnnd  
wircket. Weil doch die izo berurten Fürsten/herrn/vnnnd  
Reichs Stette/ bey yrer gemeinen geringē Münz/ nicht  
bleiben mügen/so doch geringers werts geschlagen/dass  
die Sechssischen/Chur vnd Fürsten/bey sich halden.

Wie wöllen odder vormügen dann die Fürstenn zu  
Sachsen/yhr würdige Münz erhalten/vnd also den ei  
genwilligen/schaden/vnd verderben/landen vnd leuten  
dermassen/gedulden vnd zusehen/vnd in dem auch nicht  
anderung furnemen/vnd nach dem wert des öffentliche  
Kauffs der silber/die ordenung zurichten:

Aber das yhene/welchs also zu besserung vorsehen  
wil werden/das hat abgünstige furderung/vnd ansecht  
tung.

## Gefährlicher misbrauch

ynn der Wahr.



Zem/es wird von etli  
chen / Monopoliern / das auch ges  
braucht/das sie dem gemeinen handes  
ler yhre alte odder vorlegene wahr/  
tunderlich ynn der wurtz vorkauffen/  
vnd die frysche beygehalten/ vnd vol  
gend dieselbige gute frische Wahr/durch yhre besundere  
C geme;

gemeine eigene knechte / das pfennigwerck / ynn den gemeinen buden / auff den gewöhnlichen Märkten auch vor kaufft / vnnnd etwas neher gegeben / wann es die armen händler / so es anfänglich von yhnen kauffweis erlangt geben mügen / Dieweil dann die ander wahr so vortelshafftig / hinderhalten / frischer vnd besser / vnnnd darzu ein loth odder pfund / etlich pfennig / oder schilling / ne her erlangt / So mus also der arme händler / auch dabey verderben / Vnnnd ist endlich dahin geacht das der gemeine kauffman / bey yhnen schwerlich auffzukomen vormag / vnd sitzen also die selbigen herrn ynn yhrem eigenem willen / mit dem fall vnd steigerung / einer izigen wahr / wie es yhnen dann selbst wolgefellig ist / Vnn solche beschwerung / wird auch kein einsehung furgewant / vnd also zu verderb landen vnnnd leuten / wissentlich geduldet vnnnd nachgehungen.

**Beschlus Artickel volgē hirnach /  
Von dem wert einer trüglichen  
Münz vnd steigerung  
der silber.**



**K**ritlich / Das solchs nicht ein geringe / sondern billich für ein würdige / ganghafte tügliche Münz zuachten / vnd zuhalte sey / welche dem silber kauffvorgleicht / vnd daryn bestendigen vorschert ist / das der wert des silbers / wie es sein gemeine öffentliche geltung hat / ynn solcher zal befunden / Als dann ynn der furhabenden Münz vnzweifflich / reichlichen vorsehen / vnnnd geordnet sein wirdet / vnnnd dennoch etwas / mit besonderem nachteil

nachtheil/ so die Bergwerghs herrn/ Darin abekürzung  
leiden/ weil sie an yder marck/ weniger nutz/ vnd genies  
entpfahen/ dann so sie die silber rohe/ vnd vnuormünzt  
vorkaufften. |

Dann aus dem Wert/ der silber/ mus die Münz ge/  
ordnet werden/ Das ist der grundt vnd das Principal  
stück dieses wercks/ vndsfurnemens.

So ist auch widder gemeine/ vnd beständige vormus/  
tung/ dieweil numals die silber etlich iar anher/ die feine  
Marck/ auff ix. gulden ij. auch iij. schilling vnd höher/ vn/  
geuerlichen yhren würdigen kauff/ aus geneigtem willi/  
gem zustand/ auch bey dieser/ so vberwürdigen/ grobem  
Münz/ die bezalung erlangt haben/ welchs doch durch  
kein vorteilhafftigen fürsetzigen gedrang odder list/ der  
Lands Fürsten/ geübt noch geursacht/ das auch dennoch  
hinfurt die silber/ widderumb ynn geringern Wert/ nicht  
wol fallen mügen/ es bescher vns dann Gott/ viel/ vnd  
vberflüssige bergwergh.

Idoch so folget dennocht daraus nicht/ das man es  
izo bey dem misbrauch/ auch vnwürdig halten/ vnd sam  
vorgeblichen dargeben solle.

So vorgleicht sich auch der silber kauff/ ynn ytzigen  
Wert/ der ix. gulden iij. groschen/ gegen den Osterreichis/  
schen/ vnd der Tirolischen Graffschafft/ silbern zu Sch/  
warz vnd bey yhen etwas höher odder zu dem wenigste  
gleichmessigen/ Wie bey vns ynn diesen landen/ noch ab/  
teylung der winischen margk/ so sie der ende gegen dem  
Erffordischen gewicht gebrauchen vnd vorkaufft wer/  
den.

Auch souiel mehr/ das die heupt Münze/ sonderlich  
an dem Sechsser groschen/ der selbigē lande zu Osterreich  
vnd ynn der Graffschafft Tirol/ noch solchen kauff  
der silber/ auff ix. gulden/ zween schilling/ dieser zeit  
C ij bereit

bereit an/ furgenomen/ geordnet/ vnd geschlagen werde/ Welchs fast die furnemlichste Münz/ so yn Oberdeud/ schland/ vnd gegen Lumpardia ganghafftig ist/ dahin sie auch handeln müssen/ der landgelegenheit nach.

Vnd darzu das auch solche erlangte geltunge vnd steigerung/ der silber/ inn der zeit furgestandē ist da doch die Bergwerg/ nicht so gar grossen odder besundern abfal haben/ dann der Joachimstal ist erst ynn sechzehent iarn vngenerlich/ zu einem wesen vnd auffnemen komen welchs reichthumbs zu sampt/ den vorigen Landbergwergen/ Gott lob sich nachmals dieser zeit reichlichen erzeigen.

Idoch so ist der wert/ vnd der kauff der silber/ wie ob gesagt/ erlangt/ vnd yzo ynn wesentlichem gebrauch.

Warumb solt nu solcher offentlicher vorderblicher schaden/ vnd abgang den Landen/ aus dem vberigen wert/ der itzigen zuuillwirdigen Münz/ nicht gemessiget abgestellt/ odder abgewendt/ vnd das gedeien/ mit erbarer zutreglichen ordenung vnd anderung/ gefleissiget/ gesucht/ zu nutz vorsehen vnd gefurdert werden/ wie mā dann hirnach durch andere mehr bestendige vrsachen/ wil Got/ weiter vornemen sol/ damit das gelt souil mehr yn landen blieben/ vnd mit andern geringern Münz/ als Merckisch. Behemisch/ P olemisch/ vnd andern auslendisch gröschen vnd pfennige nicht belegt würden.

### Von der alten Münz/ vnd dem silber kauff.

Vnd so villeicht auch geredt wolt werden/ von dem wolfeilen kauff der silber/ ynn vorzeiten beschehen etc. Darauff ist auch zubescheiden/ das vor iaren/ das reichthumb der Bergwerg/ zu freyberg/ ynn dem Marggraffthumb zu Meissen/ so doch austreglichen vnd reich gewesen

wesen/fürder dann alle ytzige Land Bergwerck / sampt dem Joachims tal // wann es solten die zeit/drey Marggraffen geteilt habe/ynt regirung gelebt/der itzlichen hundert tausent Bhemische schock / allein zu ierlichen Zehenden/ Fürstlicher gebür gefallen sein sollen.

So ist auch zu der zeit/der betrug der Münz / mit dem vortreiben/ Körnen/ vnd granalirn/nicht demassen also gemein gewesen/sampt andern arglistigem vorteil/mit der ringerung/vmbschlag/vnd wechselung der Münz/ also ytz so geübt/vnd zusehen wird.

So sindt auch die ertzgebirge zu dem Rutttenberge/ vnd zu der Jgel/zu Bhem vnd Merern gelegen / ynt vorgangen iaren / auch ynt einem besunderem grossen austreglichem reichthumb gewesen/daraus der wolfeis le kauff der silber/vnd würdige Münz/die zeit geursacht ist/Dann es wil nu fortan vnmöglichen zu vorwaren/vñ anzusehen sein/vnser Land Münz/so bisanher ynt dem wert geschlagen/bey der ordnung vnd pollicey/zuerhalten/yhe mehr gemünzt/soniel mehr vorbrand vnd abgefürt/vnd von andern geringere Münz/daraus geschlagen/vnd volgent widerumb ynt die Lande eingeschobē weil die andern herrn/so Münzen/vnd nicht Bergwerck haben/hinsürt keinen würdigen wert/ gegē vnser Münz zu vor gleichen noch erhalten mügen/anc mercklichē schaden vnd zu buss/ darzu niemants geneigt sein wird / Zu dem das zu viel schwer vnd nachteilig surfallen wolt/ die silber wider/vñ vber den ytz so erlangt willigen kauff die Marck/weniger oder geringer zusetzen / so doch aller vnkost der Berggebud/vnd seine vnderhaltung/ ynt ierlichem auffsteigen sein/Wie man des bestendige vrsachen darzuthun hat/Vnd auch die gemeinen gewercken vast ierlichem mit freyheiten weiter müssen getröst werden/das also etzlich wenig vbermas des zugangs sein würde.

Von

## Von dem nachteil mit handlung der gulden groschen.



**E**r gulden grosche wirdt  
zu xxj. geschlagen / vnd so die bezalung  
aus der Münz erlange / also balde ist der  
umbschlag / zu xxij. auch zu xxij. groschen  
gewechselt vnd ausgehen / Wann nu die  
rechnung zusamen getragen / die ij. odder iij. groschen am  
gulden obermas / wie hoch wird dann die feine marck sil  
ber ynn der Münz ausbracht: man fraget / oder bericht  
euch selber / Ob zweymal acht / xxj. ynn der zal machen /  
vnd dennocht ynn der gemischten / vnd nicht der feinen  
marck / Solchen gefelichen eygennützigem genies / vor  
günth man den Monopoliern wol / sampt denen so sich  
vnder dem decklach auch mit behüllen / vñ wirdt als fur  
ein kunststück getrieben. Das alles hat kein auffsehen /  
Aber so die sachen zu gutem erbarem grund furgenomen  
wollen werden / als dann hat es sein ansechtung / vnd  
vorhinderms mit einem blander geschrey / Es ist aber  
ein Gemein sprichwort / Wie einer einem holen fass / oder  
einem wald schreye / also erschalles ybm widderumb zu  
ohren.

Sie werden aber dagegen antworten / wo sie nicht  
dermassen yhres werts ausgegeben / so würden sie alle  
ynn Tigel geworffen / vñ der mangel / ynn bezalung noch  
größer furfallen / wie es dann an yhm selbst also ist / A  
ber sie müssen also zuuor / drey odder vier mal ynn dem  
wechsel des umbschlags / durchlaußen / vnd gemustere  
werden / als dann zu dem feur ynn Tigel getrieben vnd  
den wert am silberkauff auch zu erlangē. Worumb wil  
man sich dann zuuorhindern anmassen gebürliche mes  
sigung



figung/anderung/vnd ordenung zu machen/ ynhalt des  
ersten haubtartickeis/ nach würdigem wert/vnd geltung  
des silbers etc. So es doch ynn diesem fall / mit andern  
nachteiligen betrug vnd schaden des armuts gehandelt  
vnd als willig geduldet/vnd nachgehungen wird.

Derhalben so were die sorgfeldigkeit/mit den vrsachē  
so die handler/zu zeit/auff vorberürten Landtag / des  
negstuorschinen xxvj. iars furgewandt/ynn diesem bedē  
cken/des Radschlags der Gemeynē stymmen / vast wol  
vorwart vnnnd vorkomen/das wir yhe mit vberflüssiger  
Münz ynn Landen nicht beladen würdenn/ Dann yhr  
bedencken ward dazumal eingefurt/Wo man vnderste  
hen vud furnemen würde/die silber oder das gelt ym lan  
de zuerhalten/ vnnnd würden vns vbermünzen/ das da  
durch ein vnwert vnd vberflus der Münz erfolgen / vñ  
ein grossen Landschadē erregen würde/Aber mit dem  
yzigem yhrem Radschlage / der Gemeinen stymmen/  
zu sampt yhrer erkanten vbung vñ handlung/bedorffte  
es der sorge odder bekümmerung gar nicht/wie es dann  
yzo vor augen vnd offenbar/das aus gülden vnd gross  
schen/pfennige gewachsen sein / Wann aber der ander  
furschlag/dis gegen bedenckens der yzigen antwort/  
auch furgenomen vnd die vbermasse/viel geldes / vrsa  
chen vnd aufftragen würde/so were den sachen gar vil  
neher rad/mittel/vnd vorgeleichung zu finden/dan durch  
den yzigen entlichen vnd ganzen mangel vnd klag/das  
vast kein gelt vorhanden ist.

Es ist aber nicht die meynung / das man sich also  
vnnorsichtig/vbermünzen/vñ die silber vnwert machen  
solt/Man wüste/Gott lob/andern radt vnd fursichtig  
keit damit zugebrauchen.

Von

Von gewercken der Bergwerck  
das sie hinfurt zu bauen aufflessig  
odder vngeneigt sein würden/ wo die beza-  
lung/des silberkauffs nicht erhöht wurde.

**E**ist ein gemein sprich  
wort/vnd wahr/das gaben kein feint-  
schafft odder vngunst machen/ Aber  
Bergwerck zu bauen/ das wil diese  
fürdermus haben/ Erstlich Gottes gna-  
de vnd forcht/heiligung vnd bekennt-  
nis seins namens/vnd glauben/durch welchen alle gas-  
ben gedeyen/gemehret vnd auffnemen. Tu sindt diese  
Bergwerck Gottes gaben/vñ nicht der menschen selbst  
wirckung oder erregung/ane zufal Götlicher gnaden.

Solt nu die wolfart der Bergwerck / allein ynn der  
freyheit stehen/so allein hohe bezalung der silber/den ge-  
wercken geschehē/das würde wenig fruchtbars austras-  
gen/wo nicht Gott zuvor/die fürschung vnd anleitüg  
geordnet hette/das artige gebirge/geschicke/klüffte vnd  
genge/die sich mit silber erweisen / vorhandenn weren/  
Solche ursachen vnd umbstende/ als der heubtgrundt/  
bewegen die fürnemliche eusserliche gunst/begir/vñ mei-  
nung/zu dem bauen/ vnd der hoffnung des künsttigen  
austreglichen nutz/vnd glückseligen zustandes.

Dann wo nicht gelegenheit der Gebirge / odder Art  
der Bergwerck vorhanden sein/so hilfft ynn dem sal kein  
vbermasse/der freyheit/ob man gleich ein Marck silber  
vmb xxx.gulden bezalen wolt/welchs doch vngewön-  
lich zunornemē wer. Aber die art vñ geschicke/ der Berg-  
werck/so sich mit silber, odder anderm Metal. erweisen/  
die

die geben vnd wircken eußerlichen den anfang / willen  
vnd ney zunge / vnd die freyheit ist allein die nachfolgende  
reizunge / vnd nicht die beständige heupt vorhinderung  
des anfangs / Bergwerck zu bauen.

Damit ich mich aber mit den oberzelten vrsachen / nicht  
gar abstreiche / wie der fuchs zuthun pflegt / so ist für  
der der bericht / das die Bergwerck vom tag der weniger  
teil / durch gemeine frembde / odder habhafftige gewerck  
schafft / erbawet werden / Dann gemeingliche alle newe  
genge / werden durch die armen hewer / vnd arbeyter / in  
schürffen enplöst / vnd ausgericht / ane sonderliche belos  
nung odder vorlegung / Vnd wann sie also die Gotts  
gaben an tag bracht / das sich etwas ynn der proba / mit  
silber beweist / als dann sind die vorodder vnderkeuffer /  
von den vortelhafftigen leuten abgericht / vnd belegen  
sie mit gelde / keuffen sie den mehrer teil aus / vnd bringen  
die Bergtheil an sich.

## Adit der freyheit / der Bergwerge.



Der auff den fürnemli  
chen Artikel der freyhet zuantworten /  
ist dieser bescheid / das die Fürsten yn xxiij  
iaren vngewerlich ij. gülden weniger ij.  
schilling die Marck silber / gegen den Ge  
wercken / auff den Erzgebirgen / des Schnebergs / vnd  
Freyberg / ynn den mehrer theil Zechen erhöhet / vnd yha  
ren eigen Fürstlichen Camer nutz / abgekurtzt habē / über  
vorige alte befreihung / wie dann solchs ynn offembarem  
wissen / vnd also an yeder Marck silbers ij. gülden ab  
gang / vnd vorlust tragen / weniger ij. groschen / Derüber  
ausgeschlossen die hütten stewer / des Zehenden / vnd and  
D vere

deren nachlassung/ so yhr gnaden auch zu der zeit iar/ hie  
vor berürt/ zu wenigerung yhres Fürstlichen nutz / auff  
sich genomen/ welchs sich yedes iars/ auch ynn etlich tau  
sent gülden/ erstreckt. Nu möchte einer Rechnung nach  
der vormutung machen/ wiewiel die Fürsten von Berg  
wergen/ weniger einkomens haben/ dann ynn vorzeitens

Aber den gesellen/ von den gemeinen stymmen / des  
Münzbüchleins/ ist auch ein rechnung vnd belohnung/  
wil Gott/ mit der zeit furzuhalten / da mit sie nicht vor  
geblich gerüget haben.

Derhalben die fromen Fürsten mit der beschwerli  
chen/ vngegrüntem/ argwenigen aufflegung / vnnnd ab  
schew odder Meuterey gegen andern zu erregen/ Aus sol  
cher yhrer erkanten begnadung vnnnd geneigten gaben/  
billich solten vorschont werden/ vnnnd dadurch hinfort/  
zu vngnaden gegen einander nicht also bewegen / vnnnd  
weiter nachgedencken vorursachen.

Die andern vrsachen/ furderung vnd vnderhaltung/  
der Bergwerg/ das sindt noch mehr artickel / Nemlich/  
gute ordnung vnd regiment/ mit fromen leuten besetzt  
Das dritte den friede vnd eintracht der Regierung. Item  
das die gebirge zu dem Vorstollen/ wol gelegen.

Item/ das sie mit Hütten stetten/ auch holtz vñ kohl  
ynn zimlichem wert/ versorgen mügen werden / Darzu  
das die Bergwerg der Landen gelegen / so sie mit pro  
uant/ ynn gleichem vnd messigem kauff zu erlangen ha  
ben.

Derhalben so ist bergwerg nicht allein mit der frey  
heit anzufahen/ zu erhalten odder auffzubringen/ Sün  
der aus obgemelten vrsachen/ fur ein gemeins vnd mit  
telmessigs bedencken furzuwenden/ vñ solche vnbedach  
te einfürung/ ist ynn dem fall wol dem geschrey/ der auff  
rüri

rürischen Baurn zuorgleichen/Wir wollen frey sein vñ  
kein pflicht auff vns trag: Solchs bößs vormeinten wil  
lens/gemuts vnd neigung/seind fursetzige anreger vñnd  
vormengte schreier/auch wol gleichformig zuachten.

**Es wird ynn gemein gesagt/auch**  
dafur gehalten / das sich die lande fast rei-  
chen/odder ym gedeien auffnemen/so  
viel gewerbs vñ handlung haben.



**Ad zu bewerlicher anz**  
zeigung/werden benant vnd furgezog-  
gen/die Niderland/mit den Seesteten  
Lumbardia / Italia / Engellandt/  
Francreich / welche fast alle ynn der  
Chur vnd Fürsten zu Sachssen lande  
yhr gewerb/vnd hantirung auch haben/dem ist also etc.

tu ist die frage/Warumb wil man dann die handes-  
lung ynn diesen der Fürsten zu Sachssen landen / also  
vorhindern so doch solch gros Reichthumb ynn andern  
landen / damit erhaben/erwörben/vnd erlangt wirdt:

Antwort/Ich beger widderumb bericht vñnd frage  
Was doch furnemlich bey vns ynn der welt reichthumbe  
heisse/darauff ist der gemeine bescheid/gelt/als die wahr  
losung/dann wo viel gelts/alda ist reichthumb beruffen  
wie dann an yhm selbst war ist.

tu haben wir das reichthumb/Gott lob / daraus  
man gelt macht/zunor ynn diesen landen / dann die sil-  
ber werdē mit Gottes gnaden/yn der Fürsten zu Sach-  
ssen lande / vñnd derselben botmessigenn lehenschafft/  
D h als

als der furnemlichsten teil eines ynn Europa / neben andern gewonnen / Die weil doch ynn ganz Europa / als der dritte teil der welt / so bey vns Deudschen / ynn gemeinen reden bekant / die Erzgebirge der silber / allein ynn nachuolgenden Landtkreissen dieser zeit mit belegter heupt arbeit / getrieben vnd austreglichen befunden werden / welchs man auch sampt allen andern gnedigen gaben Gottes danckbar sein solle.

### Nemlich.

Osterreich mit Vngern / vnd Bhem /  
Sachsen / vnd die Graffschafft Mansfelt /  
der Bergwerg halben / mit eingezogen vñ begriffen /  
Der Erzstift Salzburg.

Das Königreich Schweden

Das Herrzogthumb Lottringen / wiewol solchs yn seinem austrug gangmessig gegen den andern dismals zu achten ist / mit diesen allen silber Bergwergen / werden der ganz teil Europa / wie vorgemelt / in handlungē vñ gewerben mit der silber Münz fast aller ersetzt / vnderhalten / vnd vorlegt / vngewerlichen etc. Aber wie hoch der Papst seiner reich vnd lande berumpte / Idoch so haben sie noch der zeit kein ganghafftig / bestendig silber bergwerg.

Item / wie fast die Röm. Keis. Magestat / Karolus vnser aller gnedigster herr / von Gott / mit allen Hispanischen Erb reichen Furstentummen vnd landen / so auff Terra firma ligen / begabt vñ vorsehen / als / Castilia / Arragon / Leon / Gallicien / Antolosia / Scimilis / Granaten / Murci / Valencia / Catolonia / vñ das Biskair land gebirge / darzu auff dem andern / Italischen bodem Neapolis / Ampulia / Calabren / vñ vber solchs die besondern heupt Inseln / so auch / ynn Europa / des mittelmers

mehrs gelegen/ als/ Maiorica/ Minorica/ Corsica/ Cezis  
lien/ Sardinian/ Creto odder Candia.

Item/ das Königreich Portugall / sampt der Insel/  
Ilamadera.

Item/ Engeland mit Ibernia/ allein zin vn̄ bleiwerge  
ausgeschlossen/ auch Schotland.

Item/ das Königreich Polen/ allein bley ertz.

Diese Königreich lande/ vnd Inseln alle/ wie reich/  
vnd vormuglich sie berumbt/ ausgeruffen vnd beschrie-  
ben werden/ welchs dann die warheit erweist / so haben  
sie doch/ kein bestendig austreglich / silber Bergwerge/  
für wenig iarn gehabt / vormuthlich auch noch nicht/  
Wie wol es yhnen ganz Christlichen zugunnen ist/ Aber  
domit sol dennoch soviel erwent vnd dargethan sein/  
das vnser/ lobwürdige land Pollicey/ vnd besserung mit  
dem scheinlichen schadē/ der geneigten fürderung zuuor-  
mercken sein sol.

Item/ wie hohe vberflüssige reichthumer ynn Lums-  
bardia/ der Venecianer/ vnd den andern Römern vnd  
Italischen landen offenbart.

Idoch/ so seind darinne/ kein silberbergwerge/ vber die  
vorigen/ so benant/ vnd doch alles reichthumb / darauff  
dise frage gestalt das ist/ Gelt/ dann das mehrer wirdet  
mit der silber Münz gehandelt/ des gleichen die nidder  
Burgundischen lande/ als Braband/ mit seinen zugehö-  
renden landen.

**Beschlus dieses gemeinen vnd  
bescheidenen Artickels des  
Reichthumbs.**

D iij

Twist



**W**ist die entliche frage/  
was doch die vrsachen sein mügen / das  
der ende / da nicht silber Bergwerck / solch  
gros reichthumb bewert vnd befunden  
wird / vnd ym Deutschen landen / darein  
der Fürsten zu Sachssen / lande / auch billich mit eingezo  
gen / yerlicher abgang vnd minderung des Reichthums  
der silbern Münz / also mangelhafftig vñ klaghafftig  
mit öffentlichem vorderben / vnd erinnerung / der vnters  
thanen erkand wird gegē der gnadenreichen begabung  
zu der gemeinen furtreglichen wolffart:

### Antwort.



**I**n selbigen Königreich/  
lande / vnd Inseln alle / haben yhr gewerb  
hantering / ordnung / Pollicey / vnd nar  
rung ym vielwege / darauff gericht / das  
sie die wahr aus yhren vnd ander landen /  
zu vns Deutschen / Ungern vnd Behem fast viel führen /  
vnd das gelt zu sich hinein bringen dadurch sie sich rei  
chen / vnd erhöhen / Darumb hat der weise man von dem  
Campach / nicht vnbedechtig / yn seinem getichten Büch  
lein von der Münz / ym den gemeinen stymmen einge  
furt / dieweil man gute Münz bei vns zubekomē gewust  
etc. das vns auch die wahr / also willig vnd geneigt zu  
bracht sey. Das vorgeleiche ein vnd anerkbaren. Aber vn  
ser Kauffmans leut vbung ist darauff geschickt / dz wir  
dieselbige vnnotturfftige wahr ynns land nemen / vnd  
das reichthumb / welchs das gelt ist / dagegen widder  
umb aus den landen treiben / tragen / führen / vnd schleiffen  
auch



auch die obersten solchs durch yhr zusehen vnnnd vnbes  
dacht adder vnvorsichtigkeit / zu dem höchsten furdern  
vnd vleissigen.

Vnd so yhr gleich / lx / lxx / lxxx / xc / hundert / aber etlich  
mehr / mit gros wichtiger narung vnd zunemung ynn die  
sen der Fürsten zu Sachssen landen / heusenlich vörhars  
ren / so haben wir vnfers achtens / den gemeinen vnd gros  
sen rad / vnd vormügē geschafft / vnbedacht / vn betrachte  
vnbesonnen / das gründlich vorderben / ynn gemein lan  
den vnd leuten bey solcher scheinlichen / gnedigen / mildē /  
gabe Gottes / der Bergwerg / vnd der höchsten nottürff  
tigsten / fruchtbarkeit / der lande / wie dann hienor ynn dē  
vordern articckeln etlicher mas auch benät vn erklet sein  
wie reichlich zu aller vnderhaltung / diese fur andern deud  
schen land vorsorgt vnd von Gott begabt sein.

Dann billich solten / viel tausent / vnd nicht die gerin  
ge anzal / durch solchen zugang / der besondern gaben  
Gottes / nach erbarer land handlung reich sein / vnd ynn  
dem befunden werden / so doch vnder tausent personenn  
nicht einer / des billichen besondern genies / vnd gebürli  
chen vorteil / besserung vnd zugang erlangt haben.

Ich wolt sagen / von zweien odder dreien Stetten  
Deudscher Nacion / welche den Fürsten vnd diesen land  
sessen / fast aller ym namen wol bekand / als Cöllen / Ans  
torff / vnnnd Lüwig / die solten mehr / silber geschir odder  
gefess vnder sich haben / dan alle Fürsten von Sachssen  
yhre drey Bischoffen / die xvj / geschlecht / yhre Graffen vn  
herrn / auch aller yhre Adiliche Ritterschafft / der doch ei  
ne ehrliche anzal vnd gros menge ist / darzu yhr Thums  
stifft / Klöster vnd Pfarren. Es ist wol etwas verkleis  
nich zuachten / vnd anzusehen ym angehör / es solt aber  
nicht grossen zweiffel haben.

Fin

Vu haben die selben bey ynen kein Silber Bergwerck/  
Derhalben wil ich die vorigen vrsachen / etlicher mas ers  
newert / dargethan vnd beschloffen / das yhr hantirung  
darauß geleißiget / vnd geordnet ist / das sie wahr von  
yhen abfüren / vnd das reichthumb / als gelt von vns ers  
sawogen / ausziehen vnd zu sich bringen / dagegen ist vnser  
gewerb / das wir das reichthumb / als gelt / von vns han  
deln / vnd nemen tantwerck vnd vnnotturfftige wahr  
daran / vnd zu mehr vberflüssigem danck vnwürdige vn  
böse münz / wie der selbigen wert hienor auch berürt ist.  
Daraus folget / was doch die handlung der auslendis  
schen vnd vnnotturfftigen / wahr ynn diesen Sechsische  
landen wolfart / frucht / gedeien / nutz vnd furtrags ges  
wirckt hat / damit man das lid odder gesang der leidige  
rew / ein mals zu dem text beschliessen vnd vornemen  
möcht.

Es solten aber die fürgenger vnd vorfürer solchs  
vorterblichen klaghaßtigen wercks billich den Tenor/  
des gesangs dazu machen / vnd sich selbst mit yhem nas  
men bekentlichen vnderschreiben / wie es leider dazu ko  
men ist / dann dieweil man furzusetzen gehabt / so haben  
sich die vrsachen / welche sich izo zugetragen hienor nis  
cht so krefftig erewgent vnd dargegeben / als dieser zeit /  
so die heupt prob des gebrechens / genzlichen vormarck  
wird.

Aus dem allem / wie angehört / wil ich dis mals be  
schloffen / vnd souiel bestendig vrsachen vnd erinnerung  
angezeige haben.

Das der vberigen würdigen wert der Münz / vnd  
auch die vnnotturfftigen gewerbe / vnd handlung der  
auslendischen Wahr / so man wol entratten mag / diesen  
landen der Chur / vnd Fürsten zu Sachsen / vnd den vn  
derthanen / ynn gemein einen öffentlichen vnd sichtliche  
vorderben /

vorderben vnnnd schaden zufügen. Aber damit ist die ordentliche hantirung / vnnnd das gewerb ynn landen / wie zuuor auch notturfftig ermelt / gar nicht abgeschnitten mit allerley landwahr / als silber / Kupffer / zin / pley / alles eysern / weyt / saltz / salpeter / wollen / leynen geret / land tücher / vische / vihe / leder / getredich / wein / bir / holz / Kollen / schindeln vnd breter / Dadurch man erbar vnd austregliche handlung / yn vnnnd außerhalb lands durch vns vnd mit frembden vben vnd treiben mügen.

Dann die obgesagt / so ist yhe daraus so gnugsam dargethan / das die hantirung vnnnd gewerbe / ynn diesen landen / also nochteilig geübt / vnd getrieben werden / da durch das reichthumb der vbermessigen guten Münz / aus den landen abgefurt vnd dagegen der mehrer theil tantwerg entpfangen / odder zu dem höchsten danck / geringe vnwürdige vnd nachteilige Münz / so aus der vnsern geschlagen widderumb eingeschoben / Also werden dadurch die vnuormöglichen vnnnd frembden lande / so ane das / mit silber gar nicht begabt / reich leut / vnnnd wir ynn diesen landen arme klaghafftige / vnnnd ynn gemein dürfftige betler / dann aus gülden vnnnd groschen seindt bey vns pfennige worden / vnd wo tausent personen zu erbarem gedeyen / besserung / vnd zu etwas mehr auffnehmen yhrer narung / billicher komen sollen / da wirdet neerlich einer befunden / Ich wil der geschweigen / so ynn lande durch die vnordnung verterbē empfangen haben / Dz heist dann wol hausgehalten / das die Katze für das beste vihe yn verrat bleibet.

Darumb hat der Heide Salustius / aus der natur vñ erfahrung gelart / vnd spricht / Gros gut vorgehet durch vneinigkeith vnnnd ordnung / Aber durch einigkeith vnnnd ordnung wird klein gut gros.

☞ Diese

Diese vormeldung vnd antwort der Münz ist dar  
umb furgewandt/ Ob gleich der gegenteil dauon nicht  
abstehen/ schweigen/ odder sich verkeren wolt / so dienet  
es doch dazu/ das yhr meisterliche torheit/ offenbar wird  
Auff das yhr ding nicht ein schein behalte/ als sey es gut  
vnd recht/ Wie auch der Salomon sagt ynn sprüchen/  
Antwort dem narren/ das er sich nicht klug düncke/ das  
ist/ Antwort yhm auff sein torheit / das sie zu schanden  
werde/ vmb der andern willen/ Sonst wo die vrsach nis  
cht ist/ so were besser still schweigen / wie auch daselbst  
Salomon weiter sagt/ Antworte dem narren nicht auff  
sein torheit/ das du yhm auch nicht gleich werest / Ynn  
summa/ der Gauch vorschweigt selten sein namen / da  
mit auch kundbar werde/ das man ynn der schrift geles  
sen habe / vnd damit diese sache ynn Gottes gedeyen  
beuolhen

### Des golt gülden halben.



Als auch des golt gulde  
halben ynn diesem bedencen / keine fürs  
nemliche meldung odder anzeigung bes  
schehen/ solchs ist aus etlichen bewegens  
den vrsachen dismals vnderlassen vnd  
nachbleiben.

Aber das sol hiemit zu erinnerung vnd nachtrach  
tung eingefurt sein/ wo ynn gemeiner bezalung 2. golt  
gülden ausgegebē/ das dagegē wol 1. gülden an münz  
erlegt/ vnd furgewand werden vngewerlichen.

Darumb ist dieser artickel des goldes/ zu der wolfare  
des gemeinen nutz ynn dem furgang/ nicht als nötig / vñ  
so hoch sorgfeldig bey vns yn diesen Sechssischen landē  
zuerwegen/ wie die silbern Münz mit welcher ynn Ges  
mein gehandelt wirdt. Dann ynn diesen Artickeln / des  
goldes/ ist wol ein fürsuhung zuthun/ mit Gottes gnade  
dadurch

Sadurch es leidlich vnd messig geordnet

Derhalben wann der Artickel / die silber betreffent  
als der principal beschlossen / so hat man sich / als dann  
desselbigen durch Gots gnade auch wol zuuorgleichē

Ende des büchleins / die  
Adüntz belangende.

## Gemeyne stimmen

von der Adüntz / vnd ob es dem  
hause vnd fürstentumb zu Sachs  
sen Ehrlicher vñ zutreglicher sey /  
die alte gute Adüntz zu behalten /  
odder geringere anzunemen.



**A** Gott der almechtig  
den menschen schuff / schuff er yhn frey  
niemandes vnderthan / oder zu icht was  
vorbunden / dan allein Got gehorsam  
zusein / Aber so bald der mensch dē ges  
horsam Gottes vbertretten / so hat  
Got die Obirkeit vorordnet / Dann do Eva adam zu fal  
le bracht / danon wir alle mit dem vbel der sunde besfleckt  
do sprach vnd gepot Gott Eue / sie solt vnderthan sein  
dem manne / Vnd erfolgt also hieraus / das Got die ober  
keit vnd alle gewalt die allein wie wir wissen / vō Gotte  
ist / vmb bosheit willen der menschen geschaffen / der auch  
ordentlich befolhen hat / das die vnderthanen der Obir  
keit / sollen gehorsam sein / ynn allen ehrlichen / zimlichen  
dingen / die nicht widder yhn sein.

¶ h wid

Widderumb ist der Obirkeit auffgelegt/ der vnderthanen nutz vnd bestes zuvorsügen / key yhrer selickheit. Darumb sie auch vmb der bösen vnvorsichtigen menschen willen/von Got vorordnet ist/vnnd nicht die menschen vmb der Obirkeit willen. Zieraus gebürt sich / das die Obirkeit mehr sorge habe/wie die vnderthanen ynn gutem stathafftigem tugentlichem vnnd ehrlichem wesen mögen erhalten werden/dann fur ichts anders/vnd das die vnderthanen/allein yhr gemüte dahin wenden / das sie denselben yhren Oberherren gepürlichen gehorsam/leysten/vnnd trachten/wie sie die Obirkeit erhalten/das mit sie von derselben/ehrlich/ fridelich vnnd tugentlich/mögen regirt werden.

Wue solchs also ynn einem Regiment ist/da wirdet wol geregirt/da stehen die herren vnd vnderthanen wol da gedeyen Land vnd leute/da wirdt Gottes ehre vnnd dienst gefurdert/Aus dem hie zeitlich vnd dort ewig gut erfolget.

Dies ist von den gnadē Gottes des almechtigen bis anher ein lange zeit/ ynn dem löblichen Hause zu Sachsen/Landtgraffthumb yn Döringen/vnd Marggraffthumb zu Meissen/angenscheinlich befunden/Wie hoch der dienst Gottes des almechtigen gestiegen/wie schöne zirliche kirchen/vnd Gottes heuser/auch Hospital/ auffgewachsen/wie gros haben die heuser der Fürstē/als der geordneten Obirkeit/sich angepewden gebessert / hernachmals der mitteln Obirkeit/als der Grauen/Herren vnnd der vom Adel/die nicht mynner an den gepewden zugenomen/Als haben sich auch die vndern merglich gebessert/wie es angenscheinlich an gepewden/ an viel örtern erscheinet/vnd sind Gott hab lob/ die nutzungen der lande dermassen gestigen / das sie vor andere Lande weyt berhümet werden.

Solchs

Solchs alles ist daher geflossen / das wir bisher von  
Gotte mit solcher Obirkeit vorsehen gewesen / die mehr  
vnsern nutz / dann yhren selbst gesucht / Dann alles das  
zuerhaltung gutes frides dienstlich / das haben sie weder  
an leib odder gut gespart. Sie haben vns auch mit einer  
ehrlichen guten Münz vorsehē / darmit wir nicht allein  
ynn andern landen was vns zu vnserer notturfft dienst  
lich / gewesen / haben bekommen mügen / Sondern auch vn  
dieweil man gute Münz bey vns zu bekommen gewust /  
vnd ynn diesen landen / friedlich handeln vnd wandeln  
können / So hat man vns das yhenige gebracht für die  
thür / das wir sonst hetten holen müssen / Daher sich geur  
sacht das wolhabende leute ynn die Lande komen / Vñ  
so sie die gnade Gottes vormarckt / domit die lande son  
derlich begnadet / als die Bergwerge / haben sie sich zum  
theil herein gesetzt / yhr hab vnd gut herein gewant / do  
mit die bergwerge / die on sunder gros darlegen erregt vn  
erhalten werden / erbawet seint worden / dauon sich auch  
die mennige des volcks ynn diesen landen mercklich ge  
mehret / vnd das werth der güter gestiegen / die heuslich  
narung des löblichen Adels mercklich gebessert / Dann  
wue menninge des volck / da ist vortreib der wahr / da ka  
der Adel seiner vihezucht genieffen / seine vische yn teiche  
anwerden / weytzen / korn / gersten / haßern / vmb zimlich  
geld vorkauffen / da gilt yhm sein holtz / stro vnd haw /  
Der Burger kan sein bier vorschnecken / sein tuch rock / vn  
schuch / huffeyen / schlos / band / sporn / schwerdt / messer /  
gürtel / beuttel / taschen / thrun / kasten / was vnd lagel / an  
werden / vnd gute Münze danor bekommen. Es können  
auch der Becker vnd fleischer / vnd alle andere / yhre hād  
werck deste bas genieffen / Vñ der Bawer sein acker mit  
mehrern nutz getreiben.

Welchs alles nicht sein köndt / wu nicht mennige des  
volcks

volf's were/welche dann Got lob durch den handel vñ  
Bergwerg/vormittelst gutes friedes/vnd guter Münz  
ynn diese lande komen.

Tuhn fellet fur/wie ynn diesen bösen zeitten/yzt als  
le gute ordnungen/vnd alt herkomen/anfechtung habē  
müssen/das man auch dauon disputirt vñnd redet/ Abs  
gut sey/gute aber geringe Münz ym lāde zuschlahē/vñ  
zu haben/Vnd sein etliche die meynen/Es habe Got der  
almechtige diesen landē vñ Fürstētumen viel gnad mit  
den Bergwergen gethā/Aber es werde nicht gebraucht  
Sondern man lasse es zu vnnutz hinweg komen/vñ wöl  
le es nicht gebrauchen/vnd wue not furfalle/so legen die  
Fürsten Steur an/vnd beschweren die armen vntertha  
nen/vnd lassen das nach/das man wol mit fuge gehabē  
kündt/domit man die armen nicht beschweren dörffte/  
vñnd sey eben das man vormünzt das silber vmb acht  
gülden vnd ein ort/vñnd künd es wol vmb zehen gülden  
vormünzen/da hetten die herrn an yglicher Marck ein  
gülden drey ort mehr dann vor/ Dis trüge nach anzal  
des gemachten silbers so ein iar vormünzt wirdt ein  
merckliche summa/vñnd mehr dann ein steur getragen  
kōnde/vñ werete alwege die weil man bergwerg barote  
etc Solche Münz würde auch nicht außm Lande ge  
furt/sonder bliebe dorinne/das man nicht so mangel het  
te der Münz halben.

Wue auch die Lande nicht so gute Münze hetten/  
würden sie mit vnnützer wahr nicht vberfurt/vnd bliebe  
also das land allenthalbē vnbeschedit/Es künde auch  
der gemein man/bier vnd brod basfeyler dann sonst be  
komen/Es würde das silber ynn höherm kauff/alle wes  
ge stehen vñnd erhalten werden/dann yzund/wie man  
dann ynn andern landen/so yrgent mit einer sonderlichē  
wahr begnadet/sihet/das man sich alwege beyleiffiget/  
dieselbig auff's thewrest anzuwerden.

Dis



Dis seint fast die vrsachen damit  
sie einfürē wöllen vnd raten / man  
sol ein geringe Adüntz machē.

**I**r kegen aber ist zu be-  
dencken vnd zuerwegen / als das sie sa-  
gen / Es solt besser sein / das man das  
silber höher vormünze vñ tewrer vor-  
keuffe / dann Steuern aufflegen. Ob  
auch yrgent ein Steuer so schedlich  
gewest / odder sein köndte / als das fargeben / der geringen  
Münze? Dann man hat nie kein Steuer ausgelegt / die  
so viel schaden gethan / odder thun köndt Die höchste vñ  
gröste Steuer durch aus / ynn diesen Landen / ist auff de  
funffzigsten pfennig gestalt / wol ist sie auch auff den  
zehenden gesetzt / aber nicht durchaus nach der gestalt /  
das es nuh vber den Landsassen gehē muste / Sondern  
allein auff's getrencke dor ynne dann der auslenstische /  
auch mittragen hilff / vnd hat auch allewege ein zeit ge-  
wehret. Aber die geringe Münze beraubet von stund dē  
nehmer des zehenden pfennigs seins guts / vñ alles seins  
werts / vñnd zuweylen mehr / das er zu auffgelde geben  
mus / Auch so lange das wehret / vnd so offte mans ge-  
ringert / so ist des armen mannes schade vorderblich dar-  
bey / der vnuorwintlich ist.

Derhalben dor auff acht zugeben / das die Münz  
wie alles andere so aus Metall gemacht / vñnd doch  
fürderlicher dann anders / dieweil damit alles vor-  
gleichet / darnach gewirdert / vñnd angestalt werde / was  
es an yhm selbst von silber vnd Metall ynn sich hat vñ  
K. iij. hells

helt darein es auch widerkomen vnd gelassen werden mag/ Dann so man auff den schlag/ odder wie es vnder den leuten gilt vnd geacht wirdt/ allein wil acht geben vnd dem selbigen nach ahmen / so ist es gantz vngewis/ vnd bald vorgenglich/ wie alle andere sachen so aus vnbedeuchtiger wilkür vnd brauch der leute/ sich vrsachen/ vnd doch der natur on yhr selbst entgegen sein/ die do vō Goc̃t gepflantz ist/ bleibt ewig/ vnd ynn aller welt/ als ein Gren od der lot silbers ist/ vnd bleibt so viel als an yhm selber/ Das es aber yzt mynner oder mehr gilt dann yn vorzeiten/ das hat bald ein ende/ reicht auch nicht weiter/ dann als lang vnd da die widerung bey den leuten ist.

Mit dem das da eingefurt wie oben angezeigt / das dardurch die Münze nicht auß dem Lande gefurt würde mus yhe bekant werdē/ wue man die Münz nicht auß dem Land füret/ das es ein zeichen ist/ das sie böß ist/ vnd das man do selbst nicht gern handelt/ daraus dann schade erwechset. Die aber aus dem Lande ziehen yhrem gewerb nach/ fülen auch wol / was yhnen schat / das man die Münze nicht gerne hat/ nach von yhnen nemen wil.

Vnd wue es gut were den handel aus dem Land zu treiben/ so würde man doch des fürwitz ym Lande nicht los/ Dann man manchen funde/ ehr er seinen willen brech er schicke ehe gen Venedig darnach/ als dann vorlöre er die zerung daran/ vnd stünde fahr/ wie er das vber landt zu sich brechte/ das man yhme vmb sonst vors haus zu kauffen schafft/ wie man dann augenscheinlich sihet/ das gar viel dinges alhir zu lande ym gemeynen öffentlichen kauffe eben vmb das/ oder yhe nicht viel mehr geldes zubekomen ist/ als es ynn den Landen gekaufft / da dannen es bracht wirdet.

Brod̃t/ Bier / vnd alle andere wahr wirdt gegeben werden/ wie man Münz hat/ man teuscht den hendeler nicht

nicht/ So erzeugt man auch sonst mit der geringen münz  
kein baszfeyligkeit bey dem händler. Dann gibt man ihm  
gute Münz/ so gibt er guten kauff/ Gibt man ihm ge-  
ringe Münz/ so gibt er tewer/ damit er seinem schaden  
nachkome. Dann er sich alwege nach der natürlichen  
widerung der Münz/ so sie des silbers halben hat/ vnd  
nicht auff die zufellige die aus der achtung komet/ pfles-  
get zurichten.

Vnd derhalben kan auch aus solchem vornemen  
die Münze zu geringern beständiglich nicht erfolgen/ dz  
das silber ynn einem höhern kauff vnd werth möcht  
bracht vnd erhalten werden/ Dann nach dem gelde/ vnd  
der Münz wird die wahr gewirdert vnd geschätzt/ So  
man nun damit sellet/ so steigt die wahr/ vnd nimpt der  
handel abe/ Vnd hat yderman bey sich wol abzunemen  
alle die weil der kauffman vnd händler/ gegen seiner  
wahr ynn der Münz yrgent ynn einem Lande mehr sil-  
bers weys zubekomen/ dann anderswo / das er yhm ynn  
den Landen/ da die Münz nicht also viel silbers helt/  
die wahr nicht lest wolfeyler machen/ noch das silber ynn  
ein steigerung komet/ sonder stelt sein rechnung darnach  
an/ dieweil er sonst mehr silbers/ mit seiner wahr weis zu  
erlangen/ das yhm dergleichen/ ynn dem Lande / do ges-  
ringe Münz ist/ auch mus also viel silbers ynn der münz  
gegeben werden/ das also der Münz an der zal soniel de-  
ste mehr sein mus/ so viel sie weniger am silber helt/ Dar-  
umb auch scheinbarlich zu spüren ist/ das der silberkauff  
nicht kan noch mag erhöhet werden/ es würde dann dz  
silber bey allen Nation höher vnd grösser geacht / dann  
bisher geschehen/ vnd also dem kauffman alle winckel  
vorschrenckt/ das er nirgent mit seiner wahr mehr silbers  
kondt zuwegen bringen dann wie mans achtet / welches  
dann nicht viel vnmöglicher ist / wann alls solten alle

S Nation

Nation ein sprach vnd mannyr annehmen/ vnd sich al-  
lenthalben vorgeleichen. Ist bisher nicht erfaren/ auch yn  
menschlichen sachen nicht wol zuuormitē/ noch dorauß  
zuhoffen/ Dieweil sichs Christus vnser seligmacher ynn  
Göttlichen sachen nicht gesagt/ das yhn yederman/ vnd  
alle welt bekennen vnd annehmen würde/ Wol hat er ge-  
sagt/ das man seinen namen vñ Euangelion aller welt  
vorkündigen vnd anzeigen würde/ welchs dan auch ges-  
schehen/ derhalben es eben also wenig möglichen ist das  
silber bey aller welt ynn ein werth zubringen/ als das ye-  
derman Christen werden vnd bleyben solt. Was wil mā  
dann damit ausrichten/ das man ynn diesen Landen dz  
silber/ ynn ein solche steigerung/ vnd hohe widerung zu-  
bringen vor hat/ fur war nichts anders/ dan das man dē  
Handels man verlagte/ vnd ist ye wedder gegen Gott  
nach den menschen zuuorantworten/ das man ynn die-  
sen landen so mit Bergwergen vnd Silbern/ reichlichen  
begnadet/ dasselbigē ynn ein solche steigerung bringenn  
wil/ dorinne es ist/ ynn den Landen die Got damit nicht  
begnadet Man findet es yhe vnd achtet es auch nicht  
vor gleichmessig ynn anderer wahr/ damit die lande son-  
derlich begnadet/ vnd were kein runder/ wann es von  
den Herren yhres eigenen nutz halben würde furgeno-  
men/ das ein ganz Land darumb müste von Gott gros-  
se straffe gewer tick sein/ vnd die gnade der Bergwerg  
yhm gar möcht entzogen werden/ wie man dann schein-  
barlichen ynn allen Gottes gaben sihet/ wann man die-  
selbigen nicht der billigkeit nach zu gemeinem nutz an-  
wendet/ Sondern allein zu eygnem misbrauch/ vnd wür-  
de sonderlich das Bergwerg keins wegs bleiben noch er-  
halten mögen werden/ So man den Bergwergen das sil-  
ber nicht anders der anzall nach wolt bezalen/ dann bis-  
hero / vnd es gleichwol viel höher ynn die Münz vnd  
Kauß

Kauffbringen/das dann aller Göttlichen vnnnd natürli-  
chen billigkeit entgegen/dann die Gewergken erbarwēs  
ye mit grosser darlegung. Solt nuhn das Silber nicht  
auch yhnen/Sondern allein den herren zu nutz ym Kauff  
steigen/ia sie aller erst geringe Muntz vnnnd ym voriger  
anzal dorane nemen/ So würden sie es bald abgehenn/  
das man auch nicht mehr silber haben würde.

Tu mag von der selben der geringen Muntze für-  
derer/aus mancherley vrsachen solchs furgaben werden  
Etliche aus einfalt/vnd vnvorstandt die es nicht besser  
wissen. Die andern aus vbriger liebe die sie zu yhrem her-  
ren tragen. Zum teil aus besuch yhres eigenen nutzses/ A-  
ber aus abgunst so sie zu denen haben/die durch den han-  
del ym lande gereicht werden. Vnnnd lezlichen auch aus  
bösem gemüthe/die nuhn vertorben/vnnnd nichts haben/  
vnd wolten das weder Herren/noch lande ym vormōs-  
gen weren.

Die erste do ist mitleyden mitzuhaben/denn vor-  
stünden sie es besser/so retthen sie auch besser/vnd wenn  
sie von andern bessers berichten werden/ so stehen sie da-  
von abe/vnd folgen dem bessern darumb sind sie vnder  
den fünfften die besten//

Die andern die es aus vbriger liebe thuen/die sie  
zur herrschafft tragen/die sindt wie Sanct Paul sagt/  
das sie Eyster halben/ aber nicht nach dem vorstande/  
sie lieben nicht weislich/denn sie gönnen yhren herren  
das yheimige/das yhn vnnnd yhren landen nicht nützlich/  
können für gerne guts gönnen/nicht bedencenn/was  
böses odder nütze sey. Wie einer ein kindt liebet vnnnd vor-  
henge yhm/sich mit dem zobelüstigen/das yhm zukünff-  
tig schedlich ist/vnd allein das gegenwertige sehen vnd  
lieben/vnnnd nicht das ende bedencen/die seindt strefflis-  
cher dann die oben./ Darumb sie bedencen mehr/wie

S ij die

die herren reich werden/abs den landen schat/ do denckē  
sie nicht auff/ vnd vergessen das so oben gesagt / das die  
öblichkeit vmb der leute willen ist/ vnd nicht die leute vmb  
der öblichkeit willen/ machen also reiche vetter vnd arme  
kinder/ dabey gedeyen die lande auch nicht. Denn war  
ists/ das die thewre des silbers wenn es hoch vormünzte  
wird den herren die beuttel füllet / vnd vorwüflet das  
land/ denn so bald die geringe Münze gemacht vnd  
ausgeben / so fellet der handel/ wenn der handel fellet/  
so fallen die zölle vnd gleyte/ vnd das Bergwerck/ wenn  
nu das Bergwerck fellet / so sehen die Fürsten allererst/  
was sie geth an haben/ vnd fellet dann die mennege der  
leute ym lande/ darnach fellet der vortreib/ vnd vorterbē  
also die lande zusehend/ wie man sihet ym allen vmb  
ligenden landen/ da gute land sein/ vnd allein vorterbē  
der bösen geringen Münzen halben. Man sehe Praga/  
Regenspurg vnd andere Stete an/ da vor handel ge  
west/ wie sie ym armerung komen/ Also das auch izt dz  
eyserwerck an den alten heusern/ den wert der heuser ver  
berit.

Es mus sich das land zu Sachsen aus andern lan  
den Bleyes erholen/ das allbereit yn einem teuren kauff  
ist/ Wue nu die Münze geringer gemacht / wird es noch  
viel thewrer werden/ vnd müssen also/ alle geringe Berg  
werge notwegen ligen bleibē/ bey dem kōmpt man auch  
von den güldigen/ Das meiste aber/ so ym dieser sachen  
zubetrachten ist/ Es sindt viel hunderttausent gulden  
schuld vnd widderkuffe ym lande / die alle mit guter  
Münze erkauft/ vnd also zu zalen vorschrieben sein/  
Solt nu die geringe münze einwachsen / so wolt ein  
mergliche zancf entstehen/ doraus vnfriede vnd auffhur  
erwüchse. Dann es ist an yhm selbst billich / dinget sich  
auch ym allen vorschreibungen aus / wann sie gleich  
halten

halten die bezalung an ganghaffteiger münze das ein yeder die Münze der rechten natürlichen wärderung nach so sie an yhr selbst vnd von wegen des silbers hat/wider gebe wie er odder seine vorfahrn die selbige empfangen vnd nicht wie mans acht wann man auch gleich damit ym Lande gefallen / Wue aber demnach die bezalung solt geschehen/ So hetten wir mit der geringen Münze den handel vorterbet/ die zöll vnd Gleyte geschwecht/ das Bergwerg vordruckt/vnnd den vnfriede am halse/ dorans ewigs vorderb/leibes vn̄ der Seele erfolgt/ Tragen keinen zweiffel wue die liebhaber yhrer herren / des wol erinnert/sie werden dis furnemen/yhren herren nicht rathen.

Die dritten/die yhren eigen nutz suchen / mögenn die sein/die der handel pflegē/ Als dann silber thewr zu sich keuffen müssen/die woltē gerne das sie es widder tewer kōnten vormünzen/ader vorkenuffen. Auch die so mit der Münz zuhandeln wissen vnnd albereyt bargelt / guter Münze/bey sich haben/ denn wechst durch die geringe Münze/das gelt ym kassen/wie vorzeiten mit den schnebergen geschach/der namen sie zwentzigk vnd ein vnnd zwentzigk vor einen gulden / vnnd gaben darnach der sechszehen vor einen gulden. Vnd bedencken doch nicht was yhnen vnd andern dargegen abgehet/ an den Briuen vnd vorschreibungen/ so sie vber die heupt summen haben/Dann do dieselbigen solten nach geringerer münze bezalt/vnd gelōset werden/ dann wie die Münze etwan/vnd an yhr selbst gewest/ als solche vorschreibung auffgericht/ So hette vnd vberkeme ein yder desteweniger/vnnd gleich als viel als tausent gulden Bar geltes guter alter Münz/durch geringung/vn̄ fallen der münz der acht nach zu gehet/ Also viel würde tausent gülden heuptsumma/ynn der vorschreibung/dem rechten wert nach

nach wider abgehen. Tu bedenck ein yder ob es auch  
mügelich/das ym einem Lande also viel bar geldes sein  
köndte als derselben vorschriebenen heuptsummen/Dar  
ümb yhe auch/des schadens vnnnd abgangs doran viel  
mehr sein mus/denn des zugangs vnnnd gewins am bar  
rem gelde/Daraus ein yeder leichtlich hat zu ermessen/  
Das alle die yhenigen / die darzu reden/das man mit der  
Münze fallen/vnd den Silberkauff erhöhen sol/allein  
auff yhren eigenen nutz/vnd gar nichts auff gemeinem  
nachteil achtung geben/welcher dann auch merglich vñ  
vñüberwindlichen ym Erbzinßen würde einwachsen vñ  
vor fallen.

Die vierden seind die/die außabgunst der yhenen/  
so ym handel reich werden/gerne woltē/das sie aus dem  
Lande kēnen/Da werdenn vorstanden ym gleichnus  
die gerne sehen/das keine Jüden ym Lande weren/domit  
sie den wucher allein hetten/das seind böse leute.

Die letzten seint die/wann sie vorterberen/so woltē  
sie/das andere auch vortürbē/weil sie das yhre verprast/  
vorschwendet/vnd alles vorsatz vnd vorp sand das sie  
haben/das yhenen an yhrem stande vnderhaltung man  
geln wil/So möchtē sie leiden/das der Obirkeit auch  
mangelte/vnd niemands bezahlen dörfen/damit sie yhre  
vntugent deste freyer vorpringen möchtē/Dieser leutte  
ist zu hoffen/sollen ym diesen Landen/nicht befunden  
werden/Wenn sie aber dermassen befunden würden/we  
re gut das man sie ym lande nicht liede/dann sie arger  
dann die wölffe/die andere beschedigen/vnnnd sich selber  
settigen/Die aber beschedigen andere leute/vnd sich sel  
ber auch/darümb yhenen allen ym keinen wege yhres  
Raths zu folgen/Sondern ist viel mehr not/mit höch  
stem



stem vleisse den almechtigen Gott/den Herren aller gna-  
den zubitten/das sein allmacht/die plag von vns abwē-  
de/vnd der Gbirkeit die gnad vorleihe den bösen einges-  
bun gen nicht zunor folgen/Sondern das sie vns/wie yh-  
re alten löblichen Vorfarn gethan/weislich seliglich/  
vnd nützlich regieren/yn zunemung an Tügenden/Ehrē  
vnd gute/Vns auch mit guter Münze vorsehen/vnd  
stetem friede erhalten/damit die Bergwerge vnd der  
Handel freyen furgang haben/Sie sampt vnns  
entlich mögen reich vnd selig werden/  
Das es geschehe spricht

Das es geschehe spricht

A M E N.




*La b... ..*

Faint, illegible text in a Gothic script, likely bleed-through from the reverse side of the page.









# Die müntze Be- langende.

## Antwort vnd bericht

der furnemesten punct vnnnd Ar-  
tikel/auff das Büchlein / so der  
Adüntz halben/vnn der Ehr vñ  
Fürsten zu Sachsen/Landen/mit  
dem Tittel/Der gemeynen stimmen/ ydoch sun-  
der namen/kurtzlich ym druck ausgegangen ist.  
Von denen so dagegen die wolfsart  
der Lande/aus vnterthenigkeit  
auch wol meinen.

Anno Domini. AD. D. XXXI.

